

日微謂  
精妙也

然而大事之本不可不察也今單于上書求朝

國家不許而辭之臣愚以為漢與匈奴從此隙矣本北

地之狄五帝所不能臣三王所不能制其不可使隙甚

明臣不敢遠稱請引秦以來明之以秦始皇之疆蒙恬

之威帶甲四十餘萬然不敢窺西河迺築長城以界之

會漢初興以高祖之威靈三十萬眾困於平城士或七

日不食時奇譎之士石畫之臣甚眾

鄧展曰石大也師古曰石言堅固如

石也畫計卒其所以脫者世莫得而言也

師古曰卒終也莫得而言

謂自免之計其

事醜惡故不傳又高皇后嘗忿匈奴羣臣庭議樊噲請

以十萬眾橫行匈奴中季布曰噲可斬也妄阿順指於